



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1521. usque ad annum 1525

Fleury, Claude

August. Vind. [u.a.], 1769

VD18 90118472

§. 21. Carolstadii liber adversus Lutherum.

[urn:nbn:de:hbz:466:1-66495](#)

Sacul. XVI.
A.C. 1523.

§. XXI.

Carolstadii liber adversus Lutherum.

Ludou. La-
naterus hift.
Sacram. de
cœna Domini
an. 1524. f. 2.

Saxoniæ Elector compertis hisce tumultibus haud diu Carolstadium suis inductionibus sustinuit, moxque eum excedere jussit, eodemque fato Martinus Rheinhardus Jenensis Præco e Saxonia ejectus est. Carolstadius vix urbe egressus datus ad Orlamundanos Cives literis graviter questus est, se violatis Christianæ charitatis legibus sollicitante Luthero nec auditum nec convictum, fuisse e Saxonia pulsum. Perlegebatur ejus epistola populo æris campani sonitu convocato; nemo tamen Carolstadii vicem dolebat, quapropter Argentinam fugiens Basileæ duos libros typis vulgavit, qui tamen utrique parti æque displicebant, eosque Tigurinus Senatus, quem doctrinæ ibidem contentæ novitas ad id commovit, in ea urbe vendere, ac distractare prohibuit, ne quicquam obluctante Zwinglio, qui hosce libros inoffenso pede percurri posse contendebat. Agebat in illis Carolstadius de præsentia reali, docebatque, quod in Eucharistia Corpus ac Sanguis Christi haud continetur, nec particula *Hoc in verbis consecrationis panem*, quem Christus Discipulis suis distribuit, designet, sed ipsum.

summet Christum Dominum indicet. *Sæcul. XVI.*
Eosdem quoque libros Argentinensis *A.C. 1524.*
Magistratus prohibuit, atque omnes,
qui illos divulgarunt, carceribus inclu-
di præcepit.

§. XXII.

Anabaptistarum doctrina.

Haud minori furore Nicolaus Storkius, *Cochl. ann.*
& Thomas Münzerus Anabaptista-*1524. p. 108.*
rum Duces doctrinæ suæ non minus im-*Pallav. hist.*
piæ quam seditiosæ venenum ubique
spargere pergebant. Docebant illi præ-
ter errores supra memoratos adhuc se-
quentes: I. Parvuli non sunt sacro fon-
te tingendi. II. Verbum Dei scriptum
contemnendum est, soli autem Spiritus
motus sequendi veniunt. III. Qui ve-
ram doctrinam amplectentur, liberta-
tem Evangelicam profiteantur, omni-
bus rebus terrenis valere jussis, mentem
oculosque ad Deum intendant, seque
protinus iterum baptizari finant, illi
vero omnes huic doctrinæ contradicen-
tes, Magistratus simul ac Principes, eo-
quod electos Dei servos absque auctori-
tate ac ratione opprimant, igne ferro-
que ad internecionem deleant, cum na-
tura omnes liberos genuerit, ac fratres at-
que omnia singulis esse communia volue-
rit, nec gravari ab aliquibus permiserit,

E e 5

IV.